

## Script Of Evening Gojri News Bulletin 30 May 2024 at 1700 Hrs

ایوٹننگ گو جری نیو ز بلیٹن مو رخہ 30 مئی 2024

- 1★۔ اکھنور مانہہ شیو کھوڑی آلے پا سے جا تی اک مسافر بس غا ڈونگی کھائی مانہہ پے جان غا نتیجہ مانہہ 16 افراد ہلاک تے 50 زخمی ہو گیا ہیں۔
- 2★۔ لوک سبھا چناؤ غا حتمی مرحلہ واسطے مہم اج ختم ہو رہی ہے۔ ووٹ شماری 4 جون نانہہ وے گی۔
- 3★۔ سرکاری محکماں غی فائل جمع کران واسطے نوو قاعدہ وجو د مانہہ آگیو ہے۔
- 4★۔ جموں مانہہ اج اس موسم غو گرم تہاڑو درج کیو گیو جت درجہ حرارت 44 عشاریہ 8 ڈگری سلیسس درج کیو گیو۔

\*\*\*\*\*

### Accident

جموں ضلع غا اکھنور مانہہ چنگی موڑ علا قہ مانہہ اج بعد دوپہر اک بس ڈونگی کھائی مانہہ پے جان غا نتیجہ مانہہ تقریباً 16 افراد ہلاک تے 16 دوجا زخمی ہو گیا ہیں۔ اک عہدیدار نے دسیو ہے جے اتر پر دیش مانہہ اندراج شدہ مسافر بس نمبر

### UP86EC4078

گر کیشتر بریانہ تیں ضلع ریا سی مانہہ واقع شیو کھاڑی مذہبی تھار جا رہی تھی۔ دسیو گیو ہے جے یاہ بس جموں راجوری پونچھ شاہراہ ور اکھنور غی چورا کالی دھار حصہ مانہہ چنگی موڑ غے نزدیک اک ڈونگی کھائی مانہہ جا پئی جس غا نتیجہ مانہہ 16 مسافر ہلاک تے 50 دوجا زخمی ہو گیا۔ عہدیدار نے دسیو ہے جے زخمی افراد نانہہ سب ضلع ہسپتال اکھنور لے جایو گیو۔ جتو شدید طور ور زخمی افراد نانہہ سرکاری میڈیکل کالج تے ہسپتال جموں ٹوردتو گیو۔ جد کہ کجھ زخمیاں غو علاج چوکی چورہ ہسپتال مانہہ وی چل ریو ہے۔ انہاں نے مزید کہیو ہے جے مہلوک اور زخمی افراد غی پشان کی جا رہی ہے۔ لیفٹنٹ گو رنر منوج سنہا نے اس حادثہ ور دکھ غو اظہار کیو ہے۔

\*\*\*\*\*

### 7th Phase

لوک سبھا چناؤ غا 7 واں تے حتمی مرحلہ واسطے پر چار مہم اج شام ویلے ختم ہو رہی ہے۔ اس مرحلہ مانہہ رائے دہندگان بشمول سنئیر بی جے پی لیڈر تے وزیر اعظم نریندر مو دی 9 سو 4 امید واراں غی قسمت غو فیصلو با ریں یکم جون نانہہ کریں گا۔ حتمی مرحلہ مانہہ 8 ریا ستار تے مرکزی زیر انتظام علاقہ غا 57 پارلیمانی حلقاں مانہہ ووٹ پایا جا ئیں گا۔ مذکو رہ مرحلہ گے تحت پنجاب اور اتر پردیش غی 13/13، مغربی بنگال غی 9، بہا ر غی 8، اڑیشہ غی 6، ہماچل پردیش غی 4، جا رکھنڈ غی 3 تے چندی گڑھ غی 1 سیٹ ور ووٹ پایا جا ئیں گا۔

\*\*\*\*\*

## Top Leaders

بکھ بکھ سیا سی جماعتاں غا بڑا لیڈر ووٹراں نانہہ اپنے پا سے متوجہ کرن مانہہ کوئی کسر باقی نہیں چھوڑ ریا ہیں۔ اس سلسلہ مانہہ وزیر اعظم تے بی جے پی غا سنٹیئر لیڈر نربندرمو دی نے پنجاب غا بو شیا رپو ر قصبہ مانہہ اک چناوی جلسہ نال خطاب کیو۔ اُنہاں نے کانگریس تے انڈیا اتحاد غی نقطہ چینی کی جے وہ ووٹ بینک غی سیا ست کر ریاو ہے۔ جناب مو دی نے کہیو جے ووٹ بچان غی خاطر کا نگریر جماعت نے لگاتار رام مندر غی تعمیر اور سی اے اے غی مخالفت کی۔ وزیر اعظم نے کہیو جے اُن غی سرکار کسے نانہہ وی اجازت نہیں دے گی جے وہ دلتاں، او بی سی تے دوجا پسماندہ طبقاں تیں تخصص کھس لے۔ اور یوہ تخصص صرف مسلماناں نانہہ دے چھوڑے۔ بہدرق لوک سبھا سیٹ مانہہ سمولیہ غا مقام وراک چناوی جلسہ نال خطاب کرتاں واں کانگریس پا رٹی غا لیڈر راہل گا ندھی نے کہیو جے بی جے پی نے اُڑیشہ غا لوکاں غی بے عزتی کی تے ایسو پا رٹی غا اک لیڈر غی طرفوں حال ہی مانہہ کیا گیا اس دعو تیں بعد کہیو جے بھگوان جگناتھ مو دی گا عقیدت مند ہیں۔ اُنہاں نے یوہ وی الزام لایو ہے جے وزیر اعظم نربندرمو دی نے اگنی ویر اسکیم غے ذریعے جواناں نانہہ مزدوراں مانہہ تبدیل کر دتو ہے۔ اُنہاں نے آئین تے جمہوریت بچان غی قسم کھائی تے اعلان کیو جے انڈیا بلاک سرکار خوراک بارے ایم ایس پی نانہہ قانونی شکل دے گی۔ فارم قرضہ ورا چھوٹ دے گی نالے اگنی ویر اسکیم نانہہ ختم کرے گی۔

\*\*\*\*\*

## S&P Out look

دس بہراں گا وقفہ تیں بعد اک ایجنسی نے بھارت غی معیشت ورا نظر ثانی کرتاں واں اس نانہہ مستحکم قرار دتو ہے۔ اک بیان مانہہ ایجنسی نے کہیو ہے جے اس مثبت منظر غے پچھے کئیں اقدام شامل ہیں۔

\*\*\*\*\*

## BJP Economy

بھارتیہ جنتا پارٹی نے ایس اینڈ پی گلوبل درجہ بندی نظر ثانی واسطے نربندرمو دی نانہہ مبارکباد غو حقدار قرار دتو ہے۔ نویں دہلی مانہہ اخباری نمائنداں نال گل کرتاں واں پارٹی غا ترجمان ظفر اسلام نے کہیو جے بی جے پی غی قیادت آلی سرکار نے معیشت غا بابدہ واسطے کئیں اقدام چایا۔

\*\*\*\*\*

## Engine Drailed

سمپرک کراتتی ایکسپریس گو انجن اچ جموں ریلوے اسٹیشن مانہہ پٹری تیں اول گئی۔ یاہ ریل نویں دہلی تیں ات پُجی تھی۔ جد اُس غو اک ٹائر پٹری تیں اُتر گیو۔ جس غی وجہ نال ریل رُک گئی۔ 2 گھنٹاں غا وقفہ تیں بعد انجن دوبارہ پٹری اوپر چاڑ دتو گیو

تے ریل نے سفر جا ری کیو۔ سرکا ری ذریعے غے مطابق اس واقعہ مانہ کسے گا  
زخمی ہون غی خبر نہیں ہے۔ ریلوے حکام اس معاملہ غی تحقیقات کر رہی ہے۔

\*\*\*\*\*

### Reasi Fire

جنگل غا علاقے مانہ اگ غی واردات مانہ ہو رہیا با بدہ غے مد نظر ضلع جنگلات  
محکمہ ریا سی ڈرون تحقیق غو استعمال کر غے اگ لگن غا واقعات غو پتو لان تے ویلے  
سر اگ ور قابو پان غی کوشش کر رہیو ہے۔ آکا شوانی غا نامہ نگار نال گل کرتاں واں ڈی  
ای ریا سی سنیل سنگھ نے اس طرح دسیو۔۔۔ با ٹ۔۔۔

\*\*\*\*\*

یہ خبر تم آکا شوانی جموں تیں سن رہیا ہیں خبراں غا باقی حصہ نال محمد اکرم  
چودھری۔

### Heat wave Jammu

جموں مانہ درجہ حرارت لگاتار اُپر آئے پا سے بدھ رہیو ہے۔ جس نال شہر مانہ موسم  
غو سب توں گرم تہاڑو درج کیو گیو ہے۔ جہیڑا جے 44 عشاریہ 8 ڈگری سلیسس رہیو ہے۔  
تے درجہ حرارت 5 عشاریہ 7 معمول توں اُپر رہیو۔ جیسو محکمہ موسمیات نے گذشتہ  
روز دسیو تھو۔ خطو پچھلا اک ہفتہ توں لگاتار گرمی غی شدید لہر مانہ ہے۔ تے اس  
دوران مئی 16 توں درجہ حرارت وی لگاتار 40 ڈگری سلیسس توں اُپر ہی رہیو ہے۔ اس با  
رہ مانہ جانکاری محکمہ موسمیات نے دتی ہے۔ کٹڑہ مانہ ماتا ویشنو دیوی بنیادی  
کیمپ ور درجہ حرارت 40 ڈگری سلیسس ریکارڈ کیو گیو ہے۔ اواں کٹھوعہ مانہ درجہ  
حرارت 46 عشاریہ 1 ڈگری سلیسس ریکارڈ کیو گیو ہے۔ سانہ مانہ وی درجہ حرارت 44  
عشاریہ 5، اُدھم پور مانہ 42 ڈگری سلیسس تے ریا سی مانہ 41 عشاریہ 7 ڈگری  
سلیسس درج کیو گیو ہے۔

\*\*\*\*\*

### File Submission

جموں کشمیر سرکار نے حکم دتو ہے جے تمام محکماں تیں فائل ہون چیف سیکریٹری  
غے ذریعے لیفٹنٹ گورنر کول جمع کرائی جائیں گی۔ ان مانہ صلاحکار غے تحت آن آلی  
فائل شامل نہیں ہیں۔ حالانکہ یو اے پی اے، پی ایس اے تے اس نال جڑیا معاملہ غی  
فائل موجودہ طریقہ نال جمع ہوتی رہیں گی۔

\*\*\*\*\*

### Girl Child

ضلع ترقیات کمشنر ریا سی وشیش مہاجن نے ضلع ہسپتال ریا سی مانہ اک نو  
زائد بچی تے اُس غا والدین نانہ مبارکباد پیش کی۔ آکا شوانی غا ریا سی غا ترجمان  
نے خبر ٹوری ہے جے اس نال ضلع ریا سی مانہ بر نوزائد بچی غی پیدائش ور بیٹی  
بچاؤ بیٹی پڑھاؤ غے تحت بیٹی جنم اُتسو غا طور ور سال پھر غا جشن غو آغاز ہووے۔

\*\*\*\*\*

## Ayush Kishtwar

آیوش کشتواڑ نے ضلع انتظامیہ غا اشتراک نال اپنی پہلی یوگا مہاآتسو غی بڑی تقریب منائی۔ جھیڑی بین القوامی یوگا دن غا آغاز ور ”یوگا فار وومین امپاور منٹ“ یعنی کالسریاں نانہہ با اختیار بنان واسطے یوگا غا موضوع ور بچیاں غا سرکاری باٹر سکینڈری سکول کشتواڑ مانہہ منائی گئی۔ اس تقریب غو آغاز خواتین نانہہ با اختیار بنان تے فلاح بہبود واسطے یوگا غی اہمیت ور ڈاکٹر مونیکا شرما غی طرفوں اک لیکچر نال بوؤ۔ یوگا تقریب غے درمیان یوگا غا مظاہرین نے مظاہرہ کر غے یوگا غا بکھ بکھ آسن تے کر غے خواتین غی صحت تے اصول صحت غے متعلق دسیو۔ یوہ پروگرام خاص طور ور خواتین تے کالسری طلباء واسطے منعقد کیو گیو تھو۔ اس پروگرام مانہہ لگ بھگ 1 سو شراکت داراں نیشنرکت کی۔

\*\*\*\*\*

## Teacher Led School Renovation

اک اہم اقدام چاتاں واں پونچھ غا اک سرشار اساتذہ نے سرکاری مڈل اسکول بھانچ غی مرمت مانہہ پیش قدمی کی ہے۔ جس نے جموں کشمیر یوٹی مانہہ آساتذہ غی زیر قیادت اسکول غی مرمت غا طور ور اک قومی مثال قائم کی ہے۔ یاہ کوشش ودیان جلی پہل غو حصو ہے۔ جھیڑو پروگرام اسکولی تعلیم محکمہ نے تعلیمی اداراں نانہہ باہدو دین واسطے کمیونٹی انفرادی شراکت اور اساتذہ نانہہ فروغ دین واسطے شروع کیو ہے۔ چیف ایجوکیشن افسر بشمبر داس نے اس پہل غی تعریف کی اور اک اہم کوشش غا طور ور اس غی اہمیت ور لو کھلی۔ اساتذہ غی زیر قیادت مرمت نال نہ صرف تعلیمی بدلاؤ مانہہ انفرادی پہل غی طاقت باندے آوے گی بلکہ ملکہ پھر مانہہ اساتذان واسطے اک تحرک غا طور ور کم کرے گی۔۔۔ باٹ۔۔۔

\*\*\*\*\*